

四庫全書

史部

欽定四庫全書

史部

御批歷代通鑑輯覽卷七十八

詳校官侍講臣王燕緒

編修臣裴謙覆勘

總校官進士臣程嘉謨

校對官學錄臣常循

膳錄監生臣馬錦

欽定四庫全書

御批歷代通鑑輯覽卷七十八

宋

神宗皇帝

熙寧九年春正月

下溪州降遂城之

續綱目作章惇招降五溪蠻遂

城下溪州考宋史

稱宗紀熙寧九年正月

下溪州刺史

彭師安降章惇傳

宗紀熙寧九年正月

下溪州刺史

史章惇傳制南北

法湖此提刑李

平招降師晏為下溪州刺史

使者惇傳自奏

訪使召還為三

司使尋以節綰論出

知州事在熙寧八年十月

夏下溪州降惇並不在其

地安得云惇招降五溪乎續綱目叙事不實多顯此今

輯改

先是下溪州彭師晏襲州事

師晏兄師餘殺其父仕義師晏殺之事具前

尋進為刺史會章惇經制南北江湖北提刑李平招

納師晏誓下州

注見前

尚蠻各以其地歸版籍至是師

晏遂降

下溪為誓主招納其誓下故師晏亦降

詔築下溪州城賜名會

溪戍以兵隸辰州出租賦同漢民師晏詣闕授禮賓

副使于是五溪

注見前

皆平

二月以郭達為安南招討使

欽廉既陷得交人露布言中國作青苗助後之法窮困生民今出兵欲相拯濟王安石見之恚怒自草勅榜詆之以天章閣待制趙高為招討使宦者嘉州防禦使李憲為副將兵討之

憲久在西北邊好論兵王韶之閒熙河憲與有勞故

用既而高與憲議事不合帝因問高孰可代憲高言

達老于邊事願以為使而已副之帝從其言仍詔占

城

注見前

占臘

即真臘國在占城南

合擊交趾

秋七月御史中丞鄧綰有罪免

呂惠卿既出知陳州張若濟獄

事具前

久不成王雱令

門下客呂嘉問練亨甫

氏族畧練氏見姓苑建安多此姓

共取鄧綰

所列惠卿事雜他書下制獄王安石不知也省吏告

惠卿于陳惠卿以狀聞且訟安石盡棄所學隆尚縱

橫之未數方命矯令罔上要君帝以狀示安石安石

謝無有歸以問雱雱言其情安石咎之雱忿患疽發

背死帝頗厭安石所為綰慮安石去失勢乃上書言

宜錄安石子及婿仍賜第京師帝以語安石安石曰

安石奸狀敗露始為神宗所憎厭惡實已盈節綰慮其去而失勢上書為乞恩澤小人醜態畢

現不復知有差
恥安石聲言當
黜蓋自揣恩遇
已衰藉此表其
公正仍出于自
固計非由衷之
論也綰即以此
貶斥而安石亦
不久罷免心勞
日拙作偽果何
益哉

綰為國司直而為宰臣乞恩澤極傷國體當黜之帝
以綰操心頗僻賦性姦回論事薦人不循分守斥知號
州

八月罷粥祠廟

司農粥祠廟于民應天府關伯

高辛氏之子

微子

具見廟前

關伯廟在歸德府商邱之巔微子
廟在歸德府城內一名東賢祠

皆在粥中判官劉

摯嘆曰一至于此往見判府張方平曰獨不能為朝
廷言之邪方平矍然託摯為奏曰關伯遷商邱主祀

炎火

開伯為陶唐氏火正居商邱祀大火見左傳

為國家盛德所垂微子

宋始封之君開國此地亦本朝受命建號所因又有

雙廟

今日協忠廟在歸德府治西

乃唐張巡許遠孤城死賊

事具前

能捍大患今若令承買小人規利冗褻瀆慢何所不

為歲收微細實損國體乞留此三廟以慰邦人崇奉

之意疏上帝震怒批牘尾曰慢神辱國無甚于斯于

是天下祠廟皆得罷粥

冬十月王安石免以吳充王珪同平章事馮京知樞密

院事

安石之再相也屢謝病求去及子雱死尤悲傷不堪
力請解機務帝益厭之乃以使相判江寧府尋改集
禧觀使安石既退處金陵往往寫福建子三字蓋深
悔為呂惠卿所誤也充子安持雖娶安石女而充心
不善安石所為數為帝言新法不便帝察充中立無
與及安石免遂相之充欲有所變革乞召司馬光呂
公著韓維蘇頌及薦孫覺李常程顥等數十人

光自洛遺

書充曰自新法之行中外洵民困于煩苛迫于誅
斂愁怨流離轉死溝壑日夜引領冀朝廷覺悟一變
敝法今日救天下之急當罷青苗免役保甲市易而
息征伐之謀欲去此五者必先別利害開言路以悟
人主之心今病雖已深猶未至膏肓
失今不治遂為痼疾矣充不能用
呂惠卿告安石

罪發其私書有無使上知及勿令穉年知之語京與

安石同年生故云帝以安石為欺而賢京故召用之

十二月郭逵敗交趾兵于富良江

一名瀘江在今安南國治北其上流即雲

南之瀾滄江由普洱府流逕安南境會白鶴歸化等江逵追以達于海

李乾德降

逵次長沙先遣將復邕廉而自將西征至富良江蠻

以精兵乘船逆戰官軍不能濟趙高分遣將吏伐木
治攻具機石如雨蠻船皆壞因設伏擊之斬首數千
殺其偽太子洪真李乾德懼遣使奉表詣軍門納款
時官兵八萬人冒暑涉瘴地死者過半富良江去其
國不遠達不敢渡得其廣源州

注見前

門州思浪州蘇

茂州枕柳縣

地俱在今安南國界

而還羣臣稱賀詔以廣源為

順州赦乾德罪治劉彞沈起開蒙之罪安置隨秀州

已而李乾德遣使來貢表求所失州縣詔不許乾德
尋歸所掠民乃以順州賜之其後定交趾界復還其

六縣

二州

詔宦者李憲節度秦鳳熙河諸軍

棟戩將果莊先寇五年谷

在鞏昌府
洮州廳北

復聚兵洮岷脇

新附羌多叛歸之帝遣內侍押班李憲乘驛往秦鳳

熙河措置邊事詔諸將皆受節制御史彭汝礪

字器
資都

陽人等極論其不可且言果莊之患小用憲之患大憲

功不成其患小功成其患大章再上不聽

丁巳十年春二月王韶免

王韶將畧尚優
故每戰克捷至
矢石及帳而斷
睡如故或其指揮
已定藉此以示
鎮靜因不致有
意外虞耳若護
無設施賊至而
高卧不起其去
束手就斃幾何

韶與王安石有隙且以勤兵遠畧歸曲朝廷帝亦不

悅數以母老乞歸乃出知洪州

韶鑿空開邊驛踰政地然用兵有機畧臨

出師召諸將授以指不復更問每戰必捷嘗夜卧帳中前部遇敵矢石已及呼聲振山谷侍者股栗而韶鼻息自如人服其量

秋七月河大決于澶州

此黃河南北分流之始

自開直河水勢增漲田廬益壞至是大決于澶州曹

村

在今開州西南

北流斷絕河道南徙東匯于梁山張澤灤

在宛州府壽縣東南梁山山下即古鉅野澤下流汶濟二水會而成灤宋時決河匯入其中綿亘數百里

後大河南徙歲久
填淤遂成平陸

分為二派一合南清河

即古泗水
注見前

入于淮一合北清河

即古濟水今自東平州北出曰
鹽河流逕濟南府曰大清河又

合小清河濟之南源也古謂之濼水
又東北至武定府之利津縣入于海

入于海凡灌郡縣

四郡縣四十五而濮齊鄆徐尤甚壞田逾三十萬頃遣使

修閉

判大名府文彥博言臣前奏河勢變移漫流四
散若不預為經制必溢魏博恩澶之境而都水

漫無施設但希省費之賞未嘗增修堤圻今者果大
決溢此非天災實人力不至也考續綱目載文彥

博奏採節不明今
依河渠志改輯

明年決口塞詔改曹村埽曰靈平

九月河南邵雍卒

雍天性高邁迫出千古而坦夷溫厚不見圭角時新
法行吏牽迫不可為或投劾去雍門生故友居州縣
者或貽書訪之雍曰此賢者所當盡力之時新法固
嚴能寬一分則民受一分之賜矣投劾何益邪程顥
嘗與議論終日退而嘆曰堯夫內聖外王之學也

雍知

慮絕人遇事能前知程顥嘗曰其心虛明自能知之
富弼司馬光呂公著雅敬雍雍所居曰安樂窩時遊
城中乘小軒一人挽之士大夫謁其車音爭相迎候
或留信宿去好事者別作室以待其至謂之行窩

安樂窩在洛陽天津橋南

及卒顥為墓銘稱其學純一不雜汪洋

浩大就其所至而論之可謂安且成矣

所著皇極經世觀物內外

篇漁樵問答傳于世
元祐中賜謚康節

冬十一月遼魏王耶律伊遜殺其君之子濬

濬幼好學善騎射既立為太子兼北南院樞密使時

耶律伊遜擅政構害宣懿皇后而立其黨蕭錫默

舊作

霞抹之妹為后遂欲害濬會護蕭和克

字阿斯里
斯和克舊

作忽古阿斯里
斯舊作阿斯里今改知伊遜姦狀伏橋下欲殺之適暴

雨橋壞所謀不遂乃下獄濬亦以母故有憂色副點檢

蕭錫沙

穆爾古納部人錫沙舊作十三
穆爾古納舊作茂古乃今改

謂伊遜曰臣

民心屬太子一旦若立吾輩措身何地伊遜然之乃

陰令護衛耶律札喇

舊作查喇今改

誣告都宮使耶律薩喇

字董隱南院大王穆哩庫之孫薩喇

及和克

舊作忽克今改

舊作撒刺穆哩庫舊作磨魯古今改

等謀廢立按驗無狀而罷既而伊遜復令蕭額都溫

國舅少父房之後

等誣首札喇前告非妄遼主命伊

舊作訛都幹今改

遜及張孝傑

建州永霸縣人
作耶律孝傑今依遼史改

續綱目

等鞫治薩喇

等誣服皆殺之而幽濬于別室濬具陳枉狀屬耶律

延格

字善寧時為北面林牙舊作庶哥今改

辨之延格伊遜黨也因易

其言為款伏遼主廢濬為庶人徙上京伊遜遣其私

人蕭達和克

舊作達魯古今改

等夜引力士殺之

詐云疾薨

遼主

命有司葬于龍門山

在今宣化府赤城縣北

既而伊遜復遣人

殺濬妃蕭氏

遼主後知其冤悔恨無及追諡濬曰昭懷太子

同知太常禮院張載卒

載自崇文歸終日危坐一室左右編簡俯而讀仰而

思有得則識之或中夜起坐取燭以書其志道精思

未嘗須臾息也與諸生講學每告以知禮成性變化
氣質之道學必如聖人而後已以為知人而不知天
求為賢人而不求為聖人此秦漢以來學者大弊也
故其學以易為宗以中庸為體以孔孟為法黜怪妄
辨鬼神其家婚喪葬祭率用先王之意而傳以今禮
又論定井田學校之法皆欲條理成書使可舉而措
諸事業呂大防薦之召同知太常禮院以疾歸而卒
世稱橫渠先生所著正蒙西銘等書行于世

戊午 元豐元年春閏正月曾孝寬罷以孫固

字和父鄭州管城人同

知樞密院事

初固與王安石議新法不合出知真定至是帝思其

先見召用之

夏六月癸卯朔日食

秋九月以呂公著薛向同知樞密院事

帝臨御日久羣臣憚上威嚴莫敢進規公著在翰林

每因事獻納帝深敬之故有是命

帝嘗以釋老之事語公著公著問曰

堯舜如此道乎帝曰堯舜豈不知公著曰堯舜雖知此而惟以知人安民為難所以為堯舜也帝默然向幹局絕人尤善商財計算無遺策然不能不病民王安石方尚功利從中主之故益得展奮由文俗吏得大用

議復肉刑

帝初即位韓絳曾布建議復肉刑至是復召輔臣議呂公著曰後世禮教未備而刑獄繁興肉刑不可復將有踊貴履賤之譏王珪欲取死囚試梟則之公著

曰不可削而不死則此法遂行矣議遂寢

冬十二月復置大理獄

帝以國初廢大理獄非是又開封囚猥多乃命復置

已未二年春二月召程顥判武學既而罷之

顥自知扶溝縣

注見前

召判武學命下數日李定何正

臣

字君表
新淦人

劾其學術迂濶趨向僻異且新法之初首

為異論復罷之呂公著上疏言方朝廷修改法度之

初凡在朝野孰無議論陛下兼包宣悉記錄而小人

賊害指目未已如顓者陛下早自知之其立身行已
素有本末昔在言路時有論列皆辭意忠厚不失臣
子之體兼所除武學亦未為仕宦要津而小人斷斷
必以為不可者直欲深梗正路其所措意非特一二
人而已疏奏不納顓竟歸故官

夏五月元絳罷以蔡確

字持正泉州晉江人

參知政事

確善觀人主意與時上下以王安石薦再調監察御
史因為之用知帝已厭安石即論安石乘馬入宣德

蔡確劾罷他人
而即居其位以
勢賊之性濟其
覬覦之私視衆

門與衛士競以賈直文彥博言濬川杞非濬河之具

帝遣知制誥熊本行視以文彥博言為是確遂論本

附彥博本坐罷確因代其職改外諫院判司農事覲

欲得臺端因論中丞鄧潤甫

字溫伯
建昌人

御史上官均

字彥

衡邵
武人

按獄失實潤甫均皆罷而確得中丞猶領司農

凡常平免役之法皆成其手會太學生虞蕃訟博士

受賄確深探其獄連引朝士自翰林學士許將

字冲
元福

州閩
人

及元絳子耆寧以下皆逮繫遂劾絳為子有所

人而奪之貨罪
又是焉確小人
之尤固無足深
責乃神宗每于
其論動即去其
人而以其位授
之一之為甚乃
至再三不亦惜
乎

屬請出知亳州確遂代其位確自諫院為參知政事

皆以起獄奪人位而居之士大夫交口叱罵而確自

以為得計也

吳充數為帝言新法不便欲稍去甚者確曰曹參與蕭何有隙至代為相一遵

何約束今陛下所自建立豈容一人挾怨而壞之法遂不變絳工于文辭而無特操仕已顯猶為遲晚時論鄙之

秋八月許二史

左右史

直前奏事

修起居注王存

字正仲潤州丹陽人

乞復唐貞觀二史之職執

筆隨宰相入殿帝是其言又故事左右史雖日侍立

而欲奏事必稟中書候旨存與同修起居注王安禮

字和甫安石弟及對及之乃詔許直前著為令

下知湖州蘇軾獄尋貶為黃州團練副使

考蘇軾詩集元豐二年八

月十八日赴臺獄有寄弟轍詩十二月二十八日恩責黃州又有詩月日甚明續綱目因兼書軾貶乃并軾下獄俱係于十月後非是今改書于八月仍兼書貶而加尋字以別之

軾自徐徙湖上以謝又以事不便民者不敢言以詩

託諷庶有益于國中丞李定御史舒亶

字信道明州慈谿人摘

其語以為侮慢因論軾自熙寧以來作為文章怨謗

君父交通戚里

謂駙馬都尉王說說字晉卿
開封人尚英宗女魏國公主

逮軾赴

臺獄詔定與知諫院張璪御史何正臣舒亶等雜治
定等媒孽以為誹謗時事鍛鍊久之且引多名士欲
置之死太皇太后方不豫聞之謂帝曰嘗憶仁宗以
制科得軾兄弟喜曰吾為子孫得兩宰相今聞軾以
作詩繫獄得非仇人中傷之乎搢至于詩其過微矣宜
熟察之帝曰謹受教吳充申救甚力帝亦憐之會同
修起居注王安禮從容白帝曰自古大度之君不以

言語罪人軾以才自奮謂爵祿可立取顧錄錄如此其心不能無觖望今一旦致于理恐後世謂陛下不能容才帝曰朕固不深譴也行爲卿賞之第去勿漏言軾方賈怨于衆恐言者緣以害卿也王珪復舉軾詠檜詩曰根到九泉無曲處世間惟有蟄龍知以爲不臣帝曰彼自詠檜爾何預朕事已而獄具軾遂得輕比舒亶又言駙馬都尉王誥輩公爲朋比如盛僞周敎固不足論若司馬光張方平范鎮陳襄劉摯皆

畧能誦說先王之言而所懷如此可置而不誅乎帝
不從但貶蘇軾黃州團練副使本州安置弟轍及王
旣皆坐謫貶張方平司馬光范鎮等二十二人俱罰

銅初解于僦為東京轉運使王安石呂惠卿當國正
人不得立朝嘆曰吾有薦舉之權而所列非賢恥
也遂舉劉摯李常蘇軾蘇轍劉攽范祖禹等及知揚
州會軾自湖赴獄親朋皆絕與交道出廣陵僦往見
之臺吏不許通或曰公與軾相知久其所往來文字
書問宜焚之勿留不然且獲罪僦曰貶君負友吾不
忍為以忠義分譴則所願也至是以舉吏累謫主管
西京御史臺軾既貶居黃州三年帝手札移軾汝州
軾未至汝上書自言願居常州許之至哲宗即位始
復軾朝奉郎知登州尋召還朝事在元豐八年 劉

破字貢父敞之弟范祖禹
字潤甫一字夢得鎮從孫

冬十月太皇太后曹氏崩

帝事太后極誠孝后亦慈愛天至

故事外家男子毋得入謁帝以后春

秋高數請召弟侑入見久之乃許及見少頃后謂侑曰此非汝所當留得輒遣出

曹侑字公伯彬之孫

帝嘗有意于燕薊已與大臣定議乃詣太后白其事

后曰儲蓄賜予備乎鎧杖士卒精乎帝曰固已辦之

矣后曰事體至大吉凶悔吝生乎動得之不過南面

受賀而已萬一不諧則生靈所繫未易以言苟可取

之太祖太宗收復久矣何待今日帝曰敢不受教

庚申三年春正月遼出耶律伊遜于興中府注見前

伊遜又欲害太子濬之子延禧時年六歲因言宋魏王和

囉格

字阿尼雅興中第二子和囉格舊作和魯幹阿尼雅舊作阿輦今改

之子淳可為

儲嗣

羣臣畏伊遜莫敢言

北院宣徽使蕭烏納

一名托卜嘉字特默六院部人

烏納

舊作兀納托卜嘉舊作捷不也特默舊作特免今改

伊勤希巴

遼官名掌刑獄舊作夷離

畢今

蕭托輝

字烏庫哩宰相恰特六世孫托輝舊作陶隄烏庫哩舊作烏古鄰恰特舊作轄

特今

諫曰舍嫡不立是以國與人也遼主未決會獵

于黑山

方輿紀要在朵顏衛東朵顏今喀喇沁地

見扈從官屬多隨伊遜

後始惡其專遂改知南院大王

遼初分塔喇額勒金為北南院大王額勒

金統軍馬大官塔喇額勒金舊作迭刺夷離董今改

事伊遜入謝遼主即日出

之興中府其黨多黜

遂封延禧梁王為設旗鼓蘇拉六人以護衛之遼軍制有蘇拉

司此掌旗鼓者也蘇拉舊作拽刺今改

以章惇參知政事三月吳充罷

充欲有所為每為王珪蔡確所沮諫官張璪論充與

郭達書止其進兵故安南無功

充既遭同列困毀素病瘡積憂畏疾益侵

遂罷為西太乙官使

踰月卒充為相務安靜心正而力不足知不可為而不能勇退

為世

所幾

英慈聖光獻皇后

夏四月瀘州夷復叛詔邊將討之

初烏蠻有二酋曰晏子箇恕熊本既平柯陰

事具前并

招納之晏子尋死箇恕授知歸休州

即柯陰縣改置

其子

乞弟授蕃部巡檢會羅苟夷叛犯納溪

宋縣今屬瀘州詔涇

原副總管韓存實擊之存實檄乞弟犄角遂平羣蠻

兵罷未幾乞弟帥步騎六千至江安

隋縣今屬瀘州

城下責

賞都監王宣以賄召之且與盟乞弟以為畏已益恃

慢至是以衆攻熟夷宣往救之一軍皆沒朝廷驛召

存寶授方畧使統軍進討存寶怯懦不敢進明年存

寶坐追遛棄市以環慶副總管林廣

萊州人

代將乞弟

請降帝不許督廣進師廣擊敗乞弟斬首二千級乞

弟遁廣帥兵深入叢箐雨雪決旬士卒死者不可勝

計窮追過鴉飛不到山

在江安縣西南

次歸徠州竟不得乞

弟而還

後乞弟無所依往
來羣蠻間遂死

六月詔中書詳定官制

國初承唐制三省無專職臺省寺監亦無定員類以
他官注判三省長官不預朝政六曹不釐本務給舍
不領本職諫議無言責起居不記注司諫正言非特
旨供職亦不任諫諍其官人受授之別有官有職有
差遣其次有階有勲有爵叙位著職以待文學之選
差遣以內外之事而官但以寓祿秩而已故仕者皆

以臺閣禁從為顯官以差遣要劇為貴途而官之遲速階勲爵邑之有無皆非所計議者多以正名為請帝慨然欲更其制乃置詳定官制局于中書命翰林學士張璪樞密副承旨張誠一領之

詔秘書監劉几

字伯壽
溫叟孫

等定雅樂

帝自即位于禮樂之事未遑制作至是詔徵致仕秘書監劉几議樂侍郎范鎮參考几請知禮院楊傑

字次

公燕為
軍人

同議先是傑言大樂七失

一曰歌不永言聲
不依永律不和聲

二曰八音不諧鐘磬闕四清聲三四金石奪倫四曰舞不象成五曰樂失部奏六曰祭祀享無分樂之序
七曰鄭聲亂雅并上十二均圖帝以其圖說下鎮几參定几

言律主于人聲不以尺度求合儒者泥古致詳于形

名度數而不知清濁輕重之用故求于器雖合考于

聲則不諧乃即舊樂

仁宗時李照樂

而增以四清聲

鐘磬十六十二

為本聲四為應聲本聲重大應聲輕清故曰四清聲李照不用几增之

下王朴樂二律

朴樂聲高歌者難逐故四清聲置而不用今下二律則四清聲皆用而諧協

且請追考成

周分樂之序

凡以周禮大樂正凡樂圍鐘為宮黃鐘為角太簇為徵姑洗為羽圍鐘者夾鐘

也今明堂景靈宮降天神之樂宜以夾鍾為宮用其均宮聲為始終其黃鍾為角則用黃鍾均以其角聲為始終太簇為徵則用太簇均以其徵聲為始終姑洗為羽則用姑洗均以其羽聲為始終祭地祇享宗廟皆視辨正二舞文武舞容節傑議同而鎮欲求一桴此均法

二米真黍以律生尺改修鍾量廢四清聲詔悉從几傑議樂成第加恩賚鎮謝曰此劉几樂也臣何預焉復上疏論之不報

秋七月莒出太微垣

注見前

詔羣臣直言闕失

王安禮應詔上疏曰人事失于下變象見于上陛下

一指蔽目弗見
泰華神宗此語
非不明壅障之
患者乃知王珪
之侍而不能除
知安禮之忠而
不能用非惑于
難蔽而何知之
非難行之惟艱
神宗之謂矣

有仁民愛物之心而澤不下究意者左右大臣是非
好惡不遵諸道秉權射利者用力殫于溝瘠取利究
于園夫足以干陰陽而召星變顧察近臣之行杜邪
枉之門至于祈禳小數貶損舊章恐非所以應天者
帝覽疏嘉嘆諭之曰王珪欲使卿條具朕嘗謂不應
沮格人言以自壅障今以一指蔽目雖泰華在前弗
之見近習蔽其君何以異此卿當益自信遂進翰林
學士知開封府

三省無專職六
曹不廢太務誠
非偏名責實之
道然不過申令
各供其事無負
設官分職之本
意而已空名固
無當治理寄祿
又何裨實政乎
徒事紛更而無
達于用且使羣
小得逞私意以
作奸神宗嘉寧
而不知體要大

九月定百官寄祿格

卷七十八

官制成下詔行之凡領空名者一切罷去而易之以
階雜取唐及宋初舊制自開府儀同三司至將仕郎
定為二十四階如領侍中中書令同平章事者易
以開府儀同三司領左右僕射者易以特進自是以
下遞易有差因以寄祿議者又欲罷樞密院歸兵部
帝曰祖宗不以兵柄歸有司故專命官以統之互相
維制何可廢也遂止帝嘗謂執政曰官制將行欲新
舊人兩用指御史大夫曰非司馬光不可王珪蔡確相
顧失色珪憂甚不知所出確曰上久欲收靈武公能
任責則相位可保也珪喜謝之因薦俞允帥慶使上
平西夏策其意以為既用兵深入必不

率類此

名光雖名將不至已而光果不

名俞光字公達明州鄞人

以馮京為樞密使薛向孫固呂公著為副使向尋免
向既在政地養威持重同列質以西北事多默不對
會詔民畜馬向既奏命旋知民不便欲改議御史舒
亶論其反覆無大臣體斥知潁州

冬十一月己丑朔日食

辛酉四年春正月馮京罷以孫固知樞密院事呂公著韓
鎮同知院事

京再執政初與王安石不合後為呂惠卿所傾中立

不倚人服其操

宋進士自鄉舉至廷試皆第一者三人王曾宋庠為名宰相京為名執政

不愧科

名云

三月章惇有罪免以張璪參知政事

朱服

字行中湖州烏程人

為御史惇密使客達意于服為服所

白惇父俞又彊占民田民遮訴惇惇繫之開封府事

併聞遂免知蔡州

夏四月禁河隄自大名至瀛州

治水之法貴在
因時制宜禹之
行水行其所無
事師禹者當師
其意而不師其
迹況河流遷徙
不常宋世洪潰
已非復夏后導
河形勢必詳其
以復禹舊迹為
說何異刻舟求
劍乎

先是河決澶州北外都水監丞陳祐甫議修禹河故

迹請遣使相視

祐甫以商胡橫隴故道地勢高平土性疏惡皆不可復復亦不能特以惟

禹故潰在大坯大行之間地卑而勢固故秘閣校理李垂與今知深州孫氏先皆有修築之議望召民先

同河北漕臣自王供從之至是河復大決于州之小

埽按視迄于海口

埽詔都水監丞李立之經畫以聞帝謂輔臣曰河之

為患久矣後世以事治水故常有礙夫水之趨下乃

其性也如能順水所向遷徙城邑以避之復有何患

已而立之言河流自乾寧軍至劈地口

在今天津府靜海縣東北

入海宜自北京至瀛州分立東西堤五十九埽詔從之立之在熙寧初已主立堤至是竟行其言

胡渭曰自商胡

決後二十一歲為熙寧二年導東流而北流閉又十二歲為元豐四年河復北流至紹聖初又閉後元符二年東流斷絕河竟北流

五月夏人幽其主秉常秋七月詔李憲會陝西河東五路之師討之

知慶州俞充知帝有用兵意屢請西伐又言諜報云夏將李清本秦人說秉常以河南地來歸秉常母梁

氏知之遂誅清奪秉常政而幽之宜興師問罪此千載一時也帝然之遂詔熙河經制李憲等大舉征夏名鄜延副總管种諤入對諤至大言曰夏國無人秉常孺子往持其臂以來耳帝壯之乃決意西伐方議出師孫固諫曰舉兵易解禍難不可帝曰夏有釁不取則為遼人所有不可失也固曰必不得已請聲其罪薄伐之分裂其地使其酋長自守帝笑曰此真鄜生之說爾時執政有言便當直渡河不可留行固曰

然則孰為陛下任此者帝曰朕以屬李憲固曰伐國
大事而使宦者為之則士大夫孰肯為用帝不悅他
日固又曰今五路進師而無大帥就使成功兵必為
亂帝諭以無其人呂公著進曰問罪之師當先擇帥既無
其人曷若已之固曰公著之言是也帝不聽竟命李
憲出熙河种諤出廊延高遵裕字公綽出環慶劉昌
祚字子京出涇原王中正宦者開出河東分道並進
真定人又詔吐蕃首領棟戡集兵會伐

詔定選格

太祖設官分職多襲五代之制凡入仕有貢舉奏蔭

攝署流外從軍五等吏部銓惟注擬州縣官幕職文

臣少卿監以上中書主之京朝官則審官院主之武

臣刺史副率以上內職樞密院主之使臣則三班院

主之帝自即位欲更制度以王安石議置審官東西

院

事具前

于是典選之職分而為四

文選曰審官東院曰流內銓武選曰

審官西院曰三班院

又詔內外官司舉官悉罷命廷臣議選格

遂定銓主之法悉歸選部而左右選分焉

審官東院為尚書左

選流內銓為侍郎左選審官西院為尚書右選三班院為侍郎右選

舊制中書有堂選

與百司郡縣奏舉皆不隸于有司王安石在中書欲罷堂選曾公亮不可而止至是既罷內外長吏舉官法堂選亦廢

九月李憲復蘭州

憲總熙秦七軍及棟戢兵三萬敗夏人于西市新城

在蘭州府皋

復襲女遮谷

在皋蘭縣東

破之遂復古蘭州

城之請建為帥府既而种諤克米脂城

宋砦今為縣屬終德州

高遵裕復清遠軍

注見前

王中正以河東兵入宥州

中正

率兵至麟州度無定河循水北行地皆沙濕士馬多陷沒糗糧不能繼又恥無功遂入于宥州時夏人棄城走河北城中遺民百餘中正遂屬之掠其牛馬以充食無定河出榆林府邊外流逕米脂縣終德州又東南至清澗縣入黃河即古奢延水也以潰沙急流深淺不定故名

冬十一月癸未朔日食

高遵裕等兵潰李憲不至靈州而還

劉昌祚率蕃漢兵五萬受遵裕節制令兩路合軍以

進既入境環慶兵不至昌祚次瑪伊克隘

在靈州南
舊作磨哆

今改遇夏衆十萬阨險破之遂薄靈州城兵幾入門遵

裕嫉其功馳使止之昌祚按甲不敢進遵裕至圍城

十八日不能下夏人決黃河七級渠

在靈州南

以灌營復

抄絕餉道士卒凍溺死遂潰而還餘軍纔萬三千而

已夏人躡之復敗焉昌祚亦還涇原种諤留千人守

米脂而自率大衆進攻銀石夏州遂破石堡城

在榆林府

榆林縣南

進至夏州駐軍索家平

在榆林府懷遠縣故夏州南

會大校

劉歸仁以衆潰而軍食又乏復值大雪乃引還死者

不可勝計入塞者僅三萬人王中正自宥州行至柰

王井

在廣西

糧盡士卒死者二萬人亦引還初詔憲

帥五路兵直趨興靈憲總師東上營于天都山下

在平

涼府固原州西北

焚夏之南牟內殿并其館庫追襲其統軍日木

多凌丹

舊作仁多
噉丁今改

敗之次于葫蘆河

即蔚茹水
注見前

遂班

師時諸路兵皆至靈州獨憲不至

壬戌五年春正月貶高遵裕等官以李憲為涇原經畧安

撫制置使

初夏人聞朝廷大舉梁氏問策于廷諸將少者盡請
戰一老將獨曰但堅壁清野縱其深入聚勁兵于靈
夏而遣輕騎抄絕其餽運可不戰而困也梁氏從之
師卒無功而還帝曰朕始以孫固言為迂今悔無及
矣至是討敗師罪高遵裕責授郢州團練副使本州
安置种諤王中正劉昌祚並降官憲欲以開蘭會
昌府靖遠縣本唐會州後邀功弭責孫固曰兵法後
沒吐蕃宋初屬夏後收復

今軍

期者斬况諸路皆至而憲獨不行不可赦帝以憲有功但令詰其擅還之由憲以餽餉不接為辭釋弗誅憲復上再舉之策詔以為涇原經畧按撫制置使知蘭州

夏四月壬子朔日食

御史中丞舒亶有罪免

亶舉劾多私氣焰熏灼見者側目至是坐詐為錄目奪兩秩勤停遠近稱快

以王珪為尚書左僕射兼門下侍郎蔡確為尚書右僕射兼中書侍郎章惇為門下侍郎張璪為中書侍郎蒲宗孟為尚書左丞王安禮為尚書右丞

官制成改同中書門下平章事為左右僕射參知政事為門下中書侍郎尚書左右丞初議官制蓋倣唐六典事無大小並由中書取旨門下審復尚書受而行之三省分班奏事並歸中書確說珪曰公久在相位必得中書令珪信不疑確乃言于帝曰三省長官位

西夏之罪浮于
淮蔡楚臣乃無
一人效裴度贊
成謀畫者且謂
諸將非有光顏
魁比其憚子行
師沮撓不遺餘
力宜神宗有不
出公卿而出于
閭寺之謂也公

高不須置令但令左右僕射分兼兩省侍郎足矣帝

以為然故確名為次相實顯大政王珪以左僕射兼

門下拱手而已

確既相屢與羅織之獄縉紳士大夫重足而立富弼在洛上書確小人不

宜大用帝不從帝嘗語輔臣有無人才之嘆宗孟率爾對曰人才半為司馬光邪說所壞帝不語直視久之曰蒲宗孟乃不取司馬光邪邪未論別事只辭樞密一節朕自即位以來未見此一人他人則雖迫之使去亦不肯矣宗孟慚懼無以為容時李憲乞再舉伐夏帝以訪輔臣王珪對曰向所患者用不足朝廷今捐錢鈔五百萬緡以供軍食有餘矣安禮曰鈔不可數必變而為錢錢又變為帛粟今距出征饒兩月安能集事帝曰李憲以為已有備彼官者能如是卿等獨無意乎唐平淮蔡唯裴度謀議與主同今乃不出

卿既無足與謀
亦以閣寺能盡
心而任之國事
未有不日壞者
明崇禎之亡國
正復坐此然其
時之公卿亦足
見無一有人心
者矣

公卿而出于閣寺朕甚恥之安禮曰淮西三州爾有
製度之謀李光顏李愬之將然猶引天下之兵力歷
歲而後定今夏氏之疆非淮蔡比憲才非度
匹諸將非有光顏愬輩臣懼無以副聖志也
以曾鞏為中書舍人

鞏能文章為歐陽修所重帝深知其才命充史館修
撰專典司事至是命為中書舍人時自三省百職事

選授一新除書日至十數人人舉其職鞏所製訓辭

典約而盡未幾卒

鞏嘗通判越州徙襄州洪州所至
皆有聲績呂公著嘗言于帝曰鞏

為人行義不如政事政事
不如文章以是不大用

呂公著罷

公著以興兵討西夏秦晉民大困數白其害不從引疾求去出知定州

秋七月給事中徐禧

字德占洪州分寧人

護兵城永樂

注見前

种諤西討不能如志知延州沈括欲盡城橫山

注見前下

瞰平夏

注亦見前

使虜不得絕磧為寇諤遂上其策于朝

且言興功當自銀州始帝以為然遣給事中徐禧內

侍李舜舉

開封人

往廊延議之舜舉退詣執政王珪迎

謂曰朝廷以邊事屬押班及李留後無西顧之憂矣
舜舉曰四郊多壘卿大夫之辱也相公當國而以邊
事屬二內臣可乎內臣止宜供禁廷灑掃之職耳豈

可當將帥之任邪聞者代珪發慙禧至廊延上言銀

州雖據明堂川

在米脂縣西北即古榆溪今亦謂之
西河源出榆林府邊外下流入無定

河無定河之會故城東南已為河水所吞其西北又

阻天塹

謂黃河

不如永樂之形勢險阨請先城永樂永

樂依山無水泉种諤極言其不可帝從禧議乃詔禧

不鼓不成列宋
裒已設于前徐
禧不登獲車之
轍特引以為証

獲諸將往城之而命括移府並塞總兵為援陝西轉

運判官李稷主饋餉禧以諤跋扈奏留諤守延州自

率諸將往築十四日而成賜名銀川若禧等退還米

脂以兵萬人屬曲珍

字君玉隴州人

守之

九月夏人陷永樂徐禧等敗死

禧等既城去九日夏人以數千騎來攻曲珍使報禧

遂與李舜舉李稷往援之沈括守米脂比抵永樂夏

人傾國而至大將高永能

字君舉青澗人

請及其未陳擊之

愚莫甚焉然其
率為此語非特
輕妄寡謀或恐
其謀非已出耳
後又不聽曲珍
半濟之計以致
喪敗禧雖死有
餘罪矣

禧曰爾何知王師不鼓不成列執刀自率士卒拒戰
夏人益衆進薄城下珍兵陳于水際將士皆有懼色
珍白禧曰今衆心已搖不可戰戰必敗請收兵入城
禧曰君為大將柰何遇敵先自退邪乃以七萬人陳
于城下夏人縱鐵騎渡河珍曰此鐵鵝子軍也當其
半濟擊之乃可以逞得地則其鋒不可當也禧不從
鐵騎既濟震蕩衝突大衆繼之珍銳卒敗奔還蹂後
陳夏人乘之珍衆大潰珍收餘衆入城夏人圍之厚

數里且據其水砦珍士卒晝夜血戰城中乏水已數
日掘井不及泉渴死者十六七括與李憲援兵及饋
餉皆為夏人所隔不得前种諤怨禧不遣救師城中
大急會夜半大雨夏人圍城急攻城遂陷禧舜舉稷
永能皆為亂兵所害惟珍裸跣走免將校死者數百
人喪士卒役夫二十餘萬夏人耀兵米脂城下而還

自熙寧以來用兵得夏葭蘆

注見前

吳堡

宋砦金為義縣屬葭州

合

本夏人砦宋收復故城在今綏德州東

米脂浮圖塞門

注俱見前

六城而

靈州永樂之役官軍熟羌義堡死者六十萬人錢穀銀絹不可勝計事聞帝臨朝痛悼為之不食贈禧等官而貶括為均州團練副使隨州安置降珍為皇城使自靈武之敗秦晉困棘天下企望息兵而括務進攻取之策禧素以邊事自任狂謀輕敵遂致覆敗自是帝始知邊臣不可倚信深自悔咎無意于西伐而夏人亦困弊矣初帝之遣禧也王安禮諫曰禧志大才疎必誤國事帝不聽及敗帝曰安禮每勸朕勿用兵少置獄蓋為是也

癸卯六年春二月夏人寇蘭州貶李憲為熙河都總管

夏人數十萬圍蘭州已奪兩關門鈐轄王文郁

字周卿

州新
秦人

夜集死士七百餘人縋城擊走之未幾夏人復
分道入寇亦多為諸路所敗中丞劉摯言熙河經畧
使李憲貪功生事一出欺罔避興靈會師之期頓兵
以城蘭州遺患至今詔貶憲為熙河安撫經畧都總
管

夏四月遼大雪

平地丈餘馬死者十六七

閏六月夏人復來修貢

夏人亦弊于兵西南都統茂錫克額木齊

舊作昂星
竟名齊今

改移書示涇原劉昌祚乞通好如初昌祚以聞帝諭

昌祚答之及入寇屢敗國用益竭乃遣默爾根密克

滿奇雅

舊作譚簡咩
迷乞遇今改

來上表帝許之

復招陝西河東
經畧司其新復

城砦徵循毋出二三里夏之歲賜悉如

其舊未幾夏主上書乞還使疆帝不許

司徒韓公富弼卒

諡文忠

弼早有公輔之望名聞夷狄遼使每至必問其出處

安否臨事周悉不萬金不發當其敢言奮不顧身忠

義之性老而彌篤家居一紀斯須未嘗忘朝廷及卒

贈太尉

弼遺表畧云陛下即位之初邪臣納說上誤聽明浸成禍患今上自輔臣下及多士畏禍

圖利習成激風去年永樂之役兵民死亡者數十萬今久戍未解百姓困窮宜諱過恥敗不思救禍之時乎天地至仁寧與羌夷校勝負願休兵息民使闕陝之間稍遂生理冀陝西再團保甲州縣奉行勢侔星大人情惶駭不若竅罪以絃懷之臣之所陳急于濟事若夫要道則在聖心所存與所用之人君子小人

之辨
爾

秋八月蒲宗孟免以王安禮李清臣

字邦直魏人

為尚書左

右丞

御史論宗孟荒于酒色及繕治府舍過制故免

九月癸卯朔日食

冬十月遼耶律遜伏誅

伊遜在興中府坐以禁物鬻入外國減死幽于保州

當作來州遼置廢城在今錦州府寧遠州

其黨耶律仁傑削爵為民至是

伊遜復謀出奔及私藏兵甲事覺伏誅

十一月太師文彥博致仕

彥博自河南入朝帝嘉其輔立英宗而不伐其功加

兩鎮節度使將行賜燕瓊林苑兩遣中使遺詩祖道

當世榮之至是請老以太師致仕

彥博之在河南也與富弼等用居易

故事就弼第置酒相樂尚齒不尚官洛陽多名園古剎諸老鬚眉皓白衣冠甚偉都人常隨觀之已而圖形妙覺僧舍謂之洛陽耆英會司馬光年未六十以秋菰蓂故事與焉白居易故事居易在洛稱香山居士與胡杲等九人為尚齒會人繪為九老圖秋菰蓂年未七十

十二月戶部獻今歲民數

時天下凡二十三路東南際海西盡巴夔北極三關

東西六千四百八十五里南北萬一千六百二十里

宋時幅員最狹東西或可得六千四百餘里若以南北計則燕雲

十六州並入遼
地交陝六詔皆
未入版圖所謂
北枕三關則今
之霸州雄縣高
陽其南際海則
今之瓊州崖州
以相距道里計
之尚不足萬里
安得如史所云
一萬一千六百
餘里之多蓋當
時起載未免特
事鋪張不足為
徵實也

天下主客戶一千七百二十一萬一千七百一十三

甲辰七年春正月夏人大舉寇蘭州

初李憲以夏人數至蘭州河外而翱翔不進意必大

舉乃增城守之備至是果大舉入寇步騎號八十萬

圍蘭州意在必取督衆急攻矢如雨雹雲梯革洞百

道並進凡十晝夜不克糧盡引去尋復寇延州順德

軍

注見前

定西城

宋砦廢城在今秦州西北

及熙河諸砦

夏五月詔以孟軻配食孔子

荀揚大醉小疵
已無當于聖人
之道況雄臣事
斯莽尤為名教
罪人乃亦從祀
廟廷何以飭祀
典而示臣鵠耶

先是判國子監常秩

字夷甫潁州潁陰人

請立孟軻楊雄像于

廟廷仍賜爵號又請追尊孔子為帝下兩制禮官詳

議以為非是而止知鄆州曾孝寬復請加封孟子乃

詔封為鄆國公至是復詔孟子與顏子並配孔子

又

封荀況為蘭陵伯楊雄為成都

伯韓愈為昌黎伯從祀廟廷

冬十二月端明殿學士司馬光上資治通鑑

初光約戰國至秦二世如左氏體為通志以進英宗

悅之命續其事就崇文殿開局許自選官屬得借龍

圖天章三館秘閣書籍給御府筆墨繒帛及御前錢以供果餌以內臣為承受光遂與劉放劉恕范祖禹

及子康

字公純

編集

史記前後漢屬放三國迄隋屬恕唐及五代屬祖禹

帝即位

賜名資治通鑑制表序文賜之會光出知永興軍以衰病

乞閒乃差判西京留司御史臺及提舉崇福宮前後

六任聽以書局自隨光于是徧閱舊史旁采小說挾

摘幽隱較計毫釐上起周威烈王二十三年下終五

代又畧舉事目年經國緯以備檢尋為目錄又參考

羣書評其同異俾歸一塗為考異合三百五十四卷
歷十九年而成至是上之詔以光為資政殿學士降

詔獎諭

乙巳八年春正月帝有疾三月詔立延安郡王傭帝第六子為

皇太子賜名煦皇太后權同聽政

帝疾甚羣臣請立皇太子及請皇太后高氏權同聽

政許之三月甲午朔立傭為皇太子賜名煦先是岐

王顥嘉王顥

英宗第四子

日問起居太后既垂簾命二王

中人內侍安得
有妻且十歲兒
袍官中豈不能
製史家不過欲
頌太后撫幼帝
之美而不覺其
言之過甚而謬
矣

母輒入且陰敕中人梁惟簡妻制十歲兒一黃袍懷

以來蓋密為踐阼倉卒備也

初太子之未立也職方員外郎邢恕與蔡確成

謀密語太后之姪高公綸公紀曰上疾不可諱廷安

幼冲宜早有定論岐嘉皆賢王也公綸曰此何言君

欲禍吾家邪恕知計不行反宣言太后屬意岐王而

與王珪表裏導確約珪入問疾陽釣致珪語使知開

封府蔡京伏劍士于外須珪小持異則執而誅之既

而珪言上自有子定議立廷安恕益無所施及太子

已立猶與確謂有定策功傳播其語于朝邢恕

字和叔鄭州陽武人蔡京字元長興化仙遊人

帝崩太子即位

是為哲宗

赦

太子時年十歲既即位皇太后同聽政

遵裕以失律論
免其不宜復用
人盡知之蔡確
枉道求補不自
如其可鄙宣仁
不以私恩廢公
義實爲違于大體
惜僅以正言斥之

尊皇太后曰太皇太后皇后曰皇太后德妃朱氏曰皇

太妃

帝生母
開封人

太皇太后既聽政散遣修京城役夫止造軍器及禁
庭工技出近侍尤無狀者戒中外無苛歛寬民間保
戶馬事由中旨王珪等弗預知也蔡確思求媚于太
后以自固太后從父高遵裕坐西征失律抵罪因上
言乞復遵裕官后曰遵裕靈武之後塗炭百萬先帝
中夜得報起環榻而行徹旦不能寐自是驚悸馴致

而未明正其罪
使小人知所警
惕也

大故禍由遵裕得免刑誅幸矣先帝肉未冷吾何敢
顧私恩而違天下公議乎確悚慄而退

罷京城邏卒及免行錢廢濬河司蠲逋賦

尋詔寬民力有司或致廢格者監察御史糾劾之

司馬光自洛入臨夏五月詔求直言

光居洛十五年天下以為真宰相田夫野老皆號為
司馬相公婦人女子亦知其為君實也神宗崩光欲
入臨避嫌不敢時程顥在洛勸光行乃從之衛士見

光皆以手加額曰此司馬相公也所至民遮道聚觀
馬至不得行曰公無歸洛留相天子活百姓公懼亟
還太后遣內侍梁惟簡勞光問為政所當先光請開
言路詔榜朝堂而大臣有不悅者設六語云若陰有
所懷犯非其分或扇搖機事之重或迎合已行之令
上以僥倖希進下以眩惑流俗若此者罰無赦后復
命示光光曰此非求諫乃拒諫也人臣惟不言言則
入六事矣乃具論其情改詔行之于是上封事者千

數

名程顥為宗正寺丞未至卒

顥嘗曰新法之行乃吾黨激成之當時自愧不能以誠感上心遂至今日之禍豈可獨罪王安石也至是名為宗正丞未行而卒顥十五六時與弟頤聞汝南周敦頤論道遂厭科舉之業慨然有求道之志未知其要泛濫于諸家出入于老釋者幾十年返求諸六經而後得之資性過人克養有道純粹之氣盎于面

當熙寧新法威
行而珪依附權
勢一意處說以
戶祿保位序遠
正人其奸惡視
童惇呂惠卿相

肯門人交友從之歲久未嘗見其忿厲之容遇事優
為雖當倉卒不動聲色深有意經濟方召用遽卒士
大夫識與不識莫不哀傷焉文彥博采衆論題其墓
曰明道先生

王珪卒

珪以文學見推流輦然自執政至宰相凡十六年無
所建明率道諛將順當時目為三首相公以其上殿
進呈云取聖旨上可否訖云領聖旨退諭稟事者云

去無幾非時臨
事慢無可否而
已三旨之目猶
未足以盡之

已得聖旨也

以司馬光為門下侍郎

詔起光知陳州過闕留為門下侍郎是時天下之民
引領拭目以觀新政而議者猶謂三年無改于父之
道光曰先帝之法其善者雖百世不可變也若王安
石呂惠卿所建為天下害者改之當如救焚拯溺況
太皇太后以母改子非子改父也于是衆議少止

六月賜楚州孝子徐積

字仲車楚州山陽人

粟帛

嘗讀宋史至徐積傳而歎史筆非難史識尤難夫以父名石而子不踐石為孝則公子地之子當亦居而不履地乎且大孝莫如憐不聞其見替目者輒科而猶乃以不用石器與避不踐石稱宜非累積之大者乎觀其積孝經軌流落不止雪夜伏墓側

積事親孝旦夕必冠帶定省從胡瑗學所居一室寒一棗啜粟飲水雖瑗遺以食亦不受以父名石至終身不用石器行遇石則避而不踐中年屏居窮里而四方事無不知嘗借人書經夕還之借者給言書中有金葉積賣衣償之不與辨後以近臣薦授楚州教授每升堂訓諸生曰諸生欲為君子而使勞己之力費己之財如此而不為君子猶可也不勞己之力不費己之財諸君何不為君子鄉人賤之父母惡之如

悲慟嘔血乃本
于天性之自然
彼遺石而怵然
傷心雖亦出于
至性而作史者
于不合經常之
行則當從剛向
魯為文以正其
失茲特舉示之
使天下知史筆
非難史職為難
耳

此而不為君子猶可也鄉人榮之父母欲之諸君何
不為君子聞者敬服及卒賜諡節孝

秋七月以呂公著為尚書左丞

公著知揚州被召侍讀太后遣使問所欲言公著曰
先帝本意以寬省民力為先而建議者以變法侵民
為務與已異者一切斥去故日久而弊愈深法行而
民愈困誠得中正之士講求天下之利病協力而為
之宜不難矣既至拜左丞

罷保甲法

先是司馬光言于太后曰兵出民間雖云古法然古者八百家纔出甲士三人步卒七十二人閒民甚多三時務農一時講武不妨稼穡自兩司馬以上皆選賢士大夫為之無侵漁之患故卒乘輯睦動則有功今籍鄉村之民二丁取一授以弓弩教之戰陳是農民半為兵也三四年來又令三路置都教場無間四時每五日一教一丁在閱一丁供送雖云五日而保正

長以泥棚除草為名聚之教場得賂則縱否則留之
是三路耕紃收穫稼穡之事幾盡廢矣至是復力言
其公私勞擾有害無益遂詔罷之

冬十一月復以鮮于侁為京東轉運使

先是熙寧末侁嘗為京東轉運使尋知揚州已而吳

居厚

字叔老
洪州人

為副使時方興鹽鐵居厚精心計籠絡

鈎稽收羨息錢數百萬即萊蕪利國二冶

萊蕪漢縣
今屬泰安

府縣東南舊有冶宋置監于此利國冶
在徐州府銅山縣東北宋置監今為驛

鑄錢以能擢

都轉運使議行河北鹽法搜剔無遺

居厚起州縣凡流徙以言利得

進在京東許利劇盜王冲因民怨聚眾數千欲乘及居厚行部至徐襄取投諸鐵冶中居厚聞之遁去

是為言者所論坐貶

貶知廬州尋摘黃州安置

乃復用侂司馬光語

人曰以子駿之賢不宜復使居外然朝廷欲救東土之弊非子駿不可此一路福星也安得百子駿布在天下乎侂既至奏罷萊蕪利國兩冶又奏海鹽依河北通商民大悅

葵永裕陵

在鞏縣西南昭陵西

史臣曰神宗孝友謙抑勵精圖治將大有為未幾王安石入相以偏見曲學起而乘之天下洶洶騷動帝終不覺悟致祖宗之良法美意變壞幾盡由是邪佞日進人心日離禍亂日起惜哉

罷方田法

十二月罷市易法貶呂嘉問知淮揚軍

言者交論市易之患被于天下本錢無慮千二百萬緣率二分其息十有五年之間子本當數倍今乃僅足本錢益買物入官未轉售而先計息取償至于物貨苦惡上下相蒙虧折日多空有虛名而已監察御

史韓川請趣罷其法于是詔罷市易而削前提舉市
易光祿卿呂嘉問三秩貶知淮揚軍其黨皆降黜

罷保馬法

起居舍人邢恕有罪貶知隨州

恕博貫經籍能文章從程頤學司馬光呂公著王安
石吳充皆重之然天資詭詐冒進與蔡確謀立岐王
顥事既不成會王珪卒恕與覺及章惇宣言太皇太
后及吳充有異議賴確擁護而止自以為功至是復

為高公繪草奏乞尊宗朱太妃為高氏異日計太后
怒黜知隨州

哲宗皇帝

丙寅元祐元年春閏二月蔡確有罪免

右司諫王覲

字明叟泰山如皋人

上疏言國家安危治亂繫于

大臣今執政八人而姦邪居半使一二元老何以行

其志哉因極論蔡確章惇韓鎮張璪朋邪害政章數

十上會右諫議大夫孫覺侍御史劉摯左司諫蘇轍

御史王巖叟

字彥霖大名清豐人

朱光廷上官均等連章論確

罪且言確在熙豐時冤獄苛政首尾預其間及至今日稍語于人曰當時確豈敢言此其意欲固竊名位反歸曲于先帝也司馬光呂公著進用蠲除煩苛確言皆已所建白于是公論亦不容太后不忍斥之但罷政出知陳州

以司馬光為尚書左僕射兼門下侍郎呂公著為門下侍郎李清臣呂大防為尚書左右丞

時光已得疾而青苗免役將官之法猶在西戎之議未
決光嘆曰四害未除吾死不瞑目矣折簡與呂公著
曰光以身付醫以家事付愚子惟國事未有所托今
以屬公既而詔免朝覲許乘肩輿三日一入省光不
敢當曰不見君不可以視事詔令子康扶入對遽人
聞之敕邊吏曰中國相司馬矣毋輕生事聞邊隙
以李常為戶部尚書

司馬光言戶部尚書舊三司使之任其所管財穀事

有散在五曹及寺監者並歸戶部詔從之尋以常為
尚書或疑其少幹局慮不勝任光曰用常主邦計則
人知朝廷不急于征利聚歛少息矣

章惇有罪免以范純仁同知樞密院事

言者論惇讒賊狠戾罔上蔽明不忠之罪與蔡確等
惇不自安及確免論者益力會與司馬光爭辨後法

于太后簾前其語甚惇太后怒斥知汝州以安壽

厚字

卿開封人代惇知樞密院事范純仁同知院事命既下給

事中王巖叟侍御史劉摯等交章論壽附悖不當躡
還至封還誥命壽亦力辭乃詔仍同知院事

罷青苗法

復常平舊法累年積蓄錢穀財物盡委提點刑獄交
管罷諸州常平新法提舉管勾官

三月罷免役法

司馬光請悉罷免役錢諸色役人皆如舊制具見在
役錢撥充州縣常平本錢于是詔修定役書侍御史

劉摯乞並用祖宗差法監察御史王巖叟請立諸役
相助法中書舍人蘇軾請行熙寧給田募役法因列
其五利王巖叟言五利難信而有十弊軾遂議格光
復言免役之法其害有五乞直降勅罷之

光曰上戸
舊充役固

有陪備而得番休今出錢比舊費持多年年無休息
下戸舊不充役今例使出錢舊所差皆土著良民今
皆浮浪之人恣為姦欺又農民出錢難于出力凶年
則賣莊田牛具以錢納官又提舉司惟務多歛役錢
廣積寬利以為功此五害也今莫若直降勅命委縣
令佐揭簿定差其人不願身自供役許擇可任者雇
代惟衙前一役最號重難今仍行差法陪備既少當
不致破家若猶矜其力難獨任即乞如舊于官戸寺

觀單丁女戶有屋產田莊者隨貧富以差出助役錢尚慮後人利害四方不能齊同乞許監司守令審其可否可則亟行如未究盡縣五日具措畫上之州州一月上轉運使以聞朝廷委執政審定隨一路一州各為之勅章惇取光所奏疏畧未盡者駁奏之呂公務要曲盡

著言惇專欲求勝不顧命令大體望遷差近臣詳定于是資政殿大學士韓維及范純仁呂大防孫永等詳定以聞蘇軾言于光曰差役免役各有利害免役之害聚斂于上而下有錢荒之患差役之害民不得力農而吏胥緣以為姦此二害輕重畧等矣光曰于

君何如軾曰法相因則事易成事有漸則民不驚三代之法兵農為一至秦始分為二及唐中葉盡變府兵為長征卒自是農出穀帛以養兵兵出性命以衛農天下使之雖聖人復起不能易也今免役之法實大類此公欲驟罷免役而行差役正如罷長征而復民兵蓋未易也光不以為然軾又陳于政事堂光色忿然軾曰昔韓魏公刺陝西義勇公為諫官爭之甚力韓公不樂公亦不顧軾昔聞公道其詳宜今日作

相不許賦盡言耶光謝之自是役人悉用見數為額
惟衙前用坊場河渡錢雇募餘悉定差仍罷官戶寺
觀單丁女戶尋以衙前不皆有雇直遂改雇募為招
募純仁謂光曰差役當熟講緩行不然滋為民病願
虛心以延衆論不必謀自己出謀自己出則諂諛得
乘間迎合矣役議或難回則可先行之一路以觀其
究竟光不從持之益堅純仁曰是使人不得言爾若
欲媚公以為容悅何如少年合安石以速富貴哉光

小人必有濟慈之才當其初起下僚竭智慮以赴公自非庸碌者所及未嘗不可藉以集事及得志在位還其伎倆肆意以行奸欺竊威福流毒無所底止非一人而前後易轍也蓋其始尚受制于人繼乃獨行其意固是才力而所用不同故正人每為

深謝之

初差役之復為期五日同列病其太迫知開封府蔡京獨如約悉改畿縣在役無一違者

諸政事堂白光光喜曰使人人奉法如君何不可行之有

范子淵有罪貶知峽州

子淵在熙豐間提舉修堤開河糜費巨萬而功用卒

不成護堤壓埽之人溺死無算至是御史呂陶劾其

罪出知峽州

中書舍人蘇軾革制詞有曰汝以有限之財興必不可成之役驅無辜之民置

之必死之地時以為至言

置訴理所

其所愚而不覺
先此時之于京
猶前此之于安
石也孔子所以
有不知大浸之
戒觀人者其亦
慎所服哉

許熙寧以來得罪者自言

夏四月罷熙河經制財用司

召程頤為崇政殿說書

初頤年十八上書仁宗欲黜世俗之論以王道為心
治平元豐間大臣屢薦皆不起至是司馬光呂公著
共疏其行義曰伏見河南處士程頤力學好古安貧
守節言必忠信動遵禮法年踰五十不求仕進真儒
者之高蹈聖世之逸民望擢以不次使士類有所矜

式召為秘書郎及入對改崇殿殿說書

願上疏言習與智長化與

心成陛下春秋方富雖零聖得于天資而輔養之道不可不至大率一日之中接賢士大夫之時多親寺人宮女之時少則氣質變化自然而成願選名儒入侍勤講罷留之分直以備訪問或有不失隨時獻規歲月積久必能養成聖德願聞帝在宮中盥而避蟻問有是乎帝曰然誠恐傷之耳願曰推此心以及四海帝王之要道也帝嘗憑檻偶折柳枝願正色曰方春時和萬物發生不當輕有所折以傷天地之和帝領之

韓鎮免

御史中丞劉摯殿中侍御史呂陶諫官孫覺蘇轍王

覲朱光庭等連章論鎮才鄙望輕在先朝奉使割地
七百里以遺契丹邊人怨之切骨不可居相位遂出
知潁昌今許州東曰潁昌府鎮外事莊重所至以嚴稱雖出入
將相而寂無功烈厚自奉養世以比晉何曾

王安石卒

以六藝文義言
者王莽也安石
實繼之莽流毒
百姓二十餘年
光武起而拯之
遂以寧謐安石

安石未柄用時名震京師不好華腴自奉至儉或衣
垢不浣面垢不洗世多稱其賢蘇洵字明允賦之父獨曰是
不近人情者作辨姦論以刺之謂王衍盧杞合為一

則禍肇熙寧訖
歲飲猶未艾此
特南渡皆一人
兆其機即謂其
罪浮于莽可也

人性彊忤遇事無可否自信所見執意不回方議變
法在廷交執不可安石傳經義出己意辨論輒數百
言衆不能詘甚者謂天變不足畏祖宗不足法人言

不足恤以是怨議紛起既再罷終神宗世不復召凡

八年而卒

安石每聞朝廷變其法夷然不以爲意及
聞罷助後愕然失聲曰亦罷至此乎良久

曰此法終不可罷又嘗曰新法以爲始終可行

者曾子宣也始終以爲不可行者司馬君實也

朱子曰安石以文章節行高一世而尤以道德經濟
爲已任被遇神宗致位宰相世方見其有爲庶幾復
見二帝三王之盛而安石乃汲汲以財利兵革爲先
務引用凶邪排擯忠直躁迫彊戾使天下之人竄然

喪其樂生之心卒之羣姦嗣虐流毒四海至于崇宣之際而禍亂極矣

以呂公著為尚書右僕射兼中書侍郎

元豐官制成三省並建而中書獨為取旨之地尚書門下受成而已又執政官率數日一至執政堂事多決于其長同列莫得預至是公著以為言詔自今事干三省者執政並同取旨而各行之并命執政官長貳日集議事遂為定制

考公著此請續綱目係于公著為門下侍郎條又不載政

事堂日集議事今採

宋史公著本傳改輯

詔起文彥博平章軍國重事

彥博致仕居洛司馬光言其宿德元老宜起以自輔
太后將用為三省長官言者以為不可乃命平章軍
國重事六日一朝一月兩赴經筵班宰相上恩禮甚
渥彥博年八十一矣

黜內侍李憲等于外

憲在元豐末耳
已為漏網至此
追正其喪師之
罪猶得提舉官

中丞劉摯言陛下臨御以來分別邪正而元惡大憝
猶有漏網宦者李憲貪功生事漁歛生民膏血興靈

觀宋之刑政姑
息者此紀綱尚
安在哉

之後首違師期乃頓兵城蘭州遺惠今日王中正將
兵二十萬出河東逗遛違詔精兵勁騎死亡殆盡宋

用臣

開封人神宗築京城建尚書省起太學立宗廟導洛通汴用臣悉領其事

董大功役

侵陵官司誅求小民奪其衣食之路石得一

開封人

領

皇城司縱遣伺者飛書朝上則暮入控犴朝士都民
相顧以目者殆十年是四人者權勢烽焰張灼中外
幸而先帝神武足以鎮壓不然其為禍豈減漢唐宦
者哉侍御史林旦亦以為言詔並降官憲中正得一

提舉宮觀用臣監太平州稅務

詔舉經明行修之士

司馬光請立經明行修科歲委升朝文臣各舉所知
以免勵天下使敦士行以示不專取文學之意若所
舉人違犯名教必坐舉主毋赦則自不敢妄舉而士
之居鄉居家者惟懼玷闕外聞不待學官日訓月察
立賞告許而士行自美矣于是詔自今凡遇科舉令
升朝官各舉經明行修之士一人俟登第日用以升

甲

五月以韓維為門下侍郎

神宗崩維自提舉嵩山崇福宮入臨太后手詔勞問
維對曰人情貧則思富苦則思樂困則思息鬱則思
通誠能常以利民為本則民富常以憂民為心則民
樂賦役非人力所堪者去之則勞困息法禁非人情所
便者蠲之則鬱塞通推此而廣之盡誠而行之則子孫
觀陛下之德不待教而成矣未幾起知陳州召為資

政殿大學士兼侍讀至是拜門下侍郎

命程頤等修定學制

太學自蔡確起大獄連引朝士有司緣此造為法禁
煩苛凝密博士諸生禁不相見教諭無所施御史中
丞劉摯以為言至是命程頤等修定條制頤大槩以
為學校禮義相先之地而月使之爭殊非教養之道
請改試為課有所未至則學官召而教之更不考定
高下置尊賢堂以延天下道德之士醵解頤以去利

誘省煩文以專委任勵行檢以厚風教及置待賓吏
師齋立觀光法如是者亦數十條

六月放鄧綰李定于滁州

呂惠卿有罪建州安置

惠卿見正人彙進知不容于時懇求散地右司諫蘇
轍王覲厯數其姦請投畀四裔以禦魑魅中丞劉摯

復列其五罪于是貶光祿卿分司南京再貶建寧軍

節度副使建州安置

中書舍人蘇軾草其制曰惠卿以斗筭之才穿窬之智諂事宰相

輔同升廟堂樂禍貪功好兵喜故以聚斂為仁義以
法律為詩書首建青苗次行助役均輸之政事同商
賈手實之禍下逮雞豚苟可蠹國害民率皆攘臂稱
首先帝求賢如不及從善如轉圜始以帝堯之仁枯
武伯鯀終焉孔子之聖不信宰予猶寬兩
觀之殊薄示三危之竄天下傳誦稱快焉
時惠卿章

惇呂嘉問鄧綰李定蒲宗孟范子淵等皆已斥外言
者論之不已范純仁言于太后曰錄人之過不宜太
深后然之乃詔前朝希合附會之人一無所問言者
勿復彈劾惠卿黨稍安或謂公著曰今除惡不盡將
貽後患公著曰治道去太甚耳文景之世網漏吞舟

且人材實難宜使自新豈宜使自棄邪

秋七月罷榷蜀茶

初熙寧中以蒲宗閔領榷蜀茶

事見前

又以李稷為都

大提舉

稷與宗閔務汲利刻急一年之間通謀利及舊界息七十六萬七千餘緡

及稷死

以陸師閔

亂之子

代之

師閔榷利尤刻稅息培于稷

至是劉摯蘇轍

論師閔增場榷茶其害過于市易乃貶師閔官而罷

成都茶場

立十科舉士法

司馬光奏為政得人則治然人之才或長于此而短

于彼雖臯陶稷契各守一官中人安可求備若指瑕

掩善則朝無可用之人苟隨器授任則世無可棄之

士以臣備位宰相職當選官若專引知識則嫌于私

若止循資序未必皆才乞朝廷設十科舉士一曰行

義純固可為師表

有官無官人皆可舉

二曰節操方正可備獻

納

舉有官人

三曰智勇過人可備將帥

舉文武有官人

四曰公正

聰明可備監司

舉知州以上資序

五曰經術精通可備講讀

有官無官人皆可舉

六曰學問該博可備顧問

同經術舉人

七曰文

章典麗可備著述

同經術舉人

八曰善聽訟獄盡公得實

舉有官人

九曰善治財賦公私俱便

舉有官人

十曰練習法令

能斷請讞

舉有官人

凡此十科應侍從以上每歲各舉三

人中書置籍記之有事須材執政按籍視其所舉科

隨事試之有勞又著之籍內外官闕取嘗試有效者

隨科授職所賜告命仍具所舉官姓名其人任官無

狀坐以繆舉之罪詔從之

夏主秉常卒子乾順立

時年三歲

帝初即位秉常遣阿拉雅

舊作訛羅
律今改

求蘭州米脂等

五砦未許會秉常卒遣使來告哀詔自元豐四年用
兵所得城砦待歸我永樂陷執民當盡以給還遂遣
穆衍弔祭尋遣使封乾順為國主

九月尚書左僕射兼門下侍郎河內公司馬光卒

諡文正

時兩宮虛已以聽光為政光亦自見言行計從欲以
身徇社稷躬親庶務不舍晝夜賓客見其體羸舉諸

葛亮食少事煩以為戒光曰死生命也為之益力病
革諄諄語如夢中皆朝廷天下事也及薨太后哭之
慟與帝臨其喪贈太師溫國公京師之民罷市往弔
鬻衣以致奠巷哭以過車比喪還如陝葵送者如哭

私親四方皆畫像以祀飲食必祝焉

光孝友忠信恭
儉正直居處有

法動作有禮自少至老語未嘗妄自言吾無過人者但
生平所為未嘗有不可對人言者耳誠心自然天下
敬信陝洛間皆化其德如有不善曰君實得無知之
乎先于物澹然無所好于學無所不通惟不喜釋老
曰其微言不能出吾書其誕吾不信也及居政府凡
王安石呂惠卿所建新法為民害者剗革畧盡或謂

光曰熙豐舊臣多儉巧小人他日有以父子之義問
上則禍作矣光正色曰天若祚宋必無此事遂改之
不疑

史臣曰熙寧新法病民者二十年一旦光起而為政
毅然以天下自任開言路進賢才凡新法之害民者
次第取而更張之海內之民歡忻鼓舞甚于更生君
子稱其有旋乾轉坤之功而光已老且病不克終治
哉惜哉

以蘇軾為翰林學士

軾自登州召還十月之間三遷清要尋兼侍讀每經
筵進講未嘗不反覆開導覲有所啟悟嘗鎖宿禁中

召見便殿太后問曰卿前年為何官對曰黃州團練副使曰今為何官對曰待罪翰林學士曰何以遽至此對曰遭遇太皇太后皇帝陛下曰非也對曰豈大
臣論薦乎曰亦非也軾驚曰臣雖無狀不敢自他途進曰此先帝意也先帝每誦卿文章必嘆曰奇才奇才但未能進用卿耳軾不覺哭失聲太后與帝亦泣左右皆感涕已而命坐賜茶撤御前金蓮燈送歸院軾在翰林頗以言語文章規切時政衛尉丞畢仲游憂其及禍貽書戒之曰君官非諫官職非御史而好

非是人危身觸譴以避其間殆猶抱石而救溺也
試不能從
畢仲游字公叔士安魯孫

張璪免

諫官王覲御史呂陶上官均等奏疏言璪姦邪便佞
劉摯亦言璪初奉安石旋附惠卿隨王珪黨章惇諂
蔡確數人之性不同而能探情變節左右順從各得
其歡心今過惡既彰不可不速去之疏入皆不報至
是罷知鄭州

冬十月改封孔子後為奉聖公

鴻臚卿孔宗翰

字周翰道輔子

言孔子後世襲公爵本為侍

祠今乃兼領他官不在故郡于名為不正乞自今襲封之人使終身在鄉里詔改衍聖公為奉聖公不預他職添給田百頃供祭祀外許均贍族人賜國子監書立學官以誨其子弟

十一月以呂大防為中書侍郎劉摯為尚書右丞

摯為中丞數月彈劾多所貶黜百僚敬憚時人以叱呂晦包拯嘗與同列奏事論及人才摯曰人才難得

能否不一性忠實而才識有餘上也才識不逮而忠實有餘次也有才而難保可藉以集事又其次也懷邪觀望隨時改變此小人也太后及帝曰卿常能如此用人則國家何憂

丁卯二年春正月禁科舉用王氏經義字說

時科舉罷詞賦專用王安石經義且雜以釋氏之說凡士子自一語以上非安石新義不得用學者至不誦正經唯竊安石之書以干進精熟者輒上第故科

舉益弊呂公著當國始請禁主司不得以老莊書命
題舉子不得以申韓佛書為學經義參用古今諸儒
說毋得專取王氏尋又禁毋得引用王氏字說

夏四月詔文彥博十日一議事都堂

彥博累表乞致仕故也

以處士陳師道

字履常一字無已彭城人

為徐州教授

師道高介有節安貧樂道博學善文家貧或經日不
炊晏如也熙寧中王氏經義盛行師道心非其說遂

絕意進取至是以蘇軾薦授是職

復制科

李清臣免

時釐正熙寧之政清臣固爭以為不可遂罷知河陽

府

秋七月庚戌朔日食

罷門下侍郎韓維

維處東省踰年有忌之者密為讒愬詔分司南京尚

欽定四庫全書

御批歷代通鑑輯覽

卷

書左丞王存抗聲簾前曰韓維得罪莫知其端臣竊為朝廷惜之乃還維資政殿大學士知鄜州

八月罷崇政殿說書程頤

頤嘗言天下重任惟宰相經筵天下治亂繫宰相君德成就責經筵其在經筵以禮法自持每進講色甚

莊繼以諷諫蘇軾謂其不近人情深嫉之每加玩侮

于是頤門人右司諫賈易

字明叔無為軍人

左正言朱光庭

等積不能平劾軾試館職策問謗訕軾因乞補郡殿

中侍御史呂陶言臺諫當盡至公不可假借事權以
報私隙右司諫王覲言軾命辭失輕重其事小不足
考若悉考同異深究嫌疑則兩岐遂分使士大夫有
朋黨之名大患也太后然之范純仁亦言軾無罪遂
置不問會帝患瘡疹不出願詣宰相問知否且曰上
不御殿太后不當獨坐人主有疾而大臣可不知乎
翼日宰臣以願言問疾由是大臣亦多不悅御史中
丞胡宗愈右諫議大夫孔文仲給事中顧臨

字子敦
會稽人

從來黨援門戶之習率由君子小人互相攻訐如薰蕕冰炭氣味自爾差迤未聞正人同處亦彼此分標樹幟者若洛蜀諸黨實可異焉其始不過小有爭執積不能平漸至歧異陰之聖人和同羣黨之說均未嘗也余

遂連章力詆願不宜在經筵乃罷願出管勾西京國

子監時呂公著獨當國羣賢咸在朝不能不以類相

從遂有洛黨蜀黨朔黨之語洛黨以願為首而朱光

庭賈易為輔蜀黨以蘇軾為首而呂陶等為輔朔黨

以劉摯梁燾

字況之鄆州須城人

王巖叟劉安世

字器之航之子

為首

而輔之者尤衆是時熙豐用事之臣退休散地怨入

骨髓陰伺間隙而諸賢不悟各為黨比以些言議惟呂

大防秦人慙直無黨范祖禹師司馬光不立黨既而

當作宛轉曲論
同室操戈之非
有云顧厨清流
禍自庾程蘇何
事相爾汝不能
不為諸君子致
詰耳

帝聞之以問胡宗愈宗愈對曰君子指小人為姦小
人指君子為黨陛下能擇中立之士而用之則黨禍
熄矣因著君子無黨論以進

吐蕃阿里庫誘果莊使據洮以叛岷州將种誼

字壽伯世衡子

執之檻送京師

棟戢既死養子阿里庫嗣為邈川首領逼果莊使帥

其眾據洮河岷州行營將种誼等帥師執果莊檻送

京師尋赦之遣居秦州招其子嘉勸幹磋

舊作結吮
觀今改

及部屬以自贖阿里庫懼乃上表謝罪

罷右司諫賈易

時程願蘇軾交惡其黨互相攻訐易因劾呂陶黨軾兄弟語侵文彥博范純仁太后怒欲峻責易呂公著言易言頗直惟詆大臣太甚不可處諫列耳乃止罷

知懷州

公著退語同列諫官所言未論得失願主上方富于春秋異時有導諛惑上心者正賴左

右力諫不可使人主輕厭言者呂大防刺

擊王存私顧而嘆曰呂公可謂仁者之勇

戊辰三年春正月復置廣惠倉

夏四月以呂公著為司空同平章軍國事

呂公著以老懇辭位乃拜司空同平章軍國事詔建
第于東府之南啟北扉以便執政會議凡三省樞密
院之職皆得總理間日一朝因至都堂其出不以時
蓋異禮也國初以來宰相以三公平章軍國事者四

人而公著與其父夷簡居其二世美其榮

時熙豐用
事之臣雖

去其黨猶分布中外鴻臚丞常安民貽公著書曰善
觀天下之勢猶良醫之視疾方安寧無事之時語人
曰其後必將有大憂則衆必駭笑惟識微見幾之士
然後能逆知其漸故不憂于可憂而憂之于無足憂

者至憂也。今日天下之勢可為大憂。雖登進忠良而不能搜致海內之英才。使皆萃于朝。以勝小人。恐端人正士未得安枕而卧也。故去小人不為難。而勝小人為難。陳蕃實武協心。同力選用名賢。天下想望太平。然卒死。曹節之手遂成黨錮之禍。張柬之五王中興。唐室以為慶流萬世。及武三思一得志。至于竄移淪沒。凡此者皆前世已然之禍。今怨忿已積。一發其害必大。可不為大憂乎。公著得書默然。常安民字

希古
州人

以吕大防范純仁為尚書左右僕射兼門下中書侍郎
孫固劉摯為門下中書侍郎王存胡宗愈為尚書左右
丞趙瞻簽書樞密院事

王觀前論蘇軾
事謂不當使士
大夫有朋黨之
名持論甚正茲
乃惡宗愈作垢
子無黨論因而
勅之是自相矛
盾矣純仁既曰

大防朴厚意直純仁務以博大開上意忠厚革士風
二人同心戮力以相王室太后復盡心委之故元祐
之治比隆嘉祐時黨論方起純仁慮之會右諫議大
夫王觀以胡宗愈進君子無黨論惡之因疏宗愈不
可執政太后大怒純仁與文彥博呂公著辨于簾前
太后意未解純仁曰朝臣本無黨但善惡邪正各以
類分彥博公著皆累朝舊人豈容雷同因上昔先臣
與韓琦富弼同慶厯柄任各舉所知當時飛語指為

朝臣本無黨又
云善惡邪正各
以類分且錄歐
陽修朋黨論以
進則又為積習
所觸恬不為怪
正人且然他尚
何論乎

朋黨三人相繼補外造謗者共相慶曰一網打盡矣
此事未遠願陛下戒之因極言前事朋黨之禍并錄
歐陽修朋黨論上之然竟出覲知潤州而宗愈居位
如故

冬閏十二月蜀公范鎮卒

發忠文

初起鎮提舉中太乙宮兼侍讀且欲以為門下侍郎
鎮雅不欲起從孫祖禹亦勸止之遂固辭不拜以銀

青光祿大夫再致仕卒

鎮清白坦夷恭儉默然
行義口不言人過臨大節決

大哉色和而語莊常欲繼之以死雖在萬乘前無所
屈其學本六經口不道佛老申韓之說熙寧元豐之
際天下賢士大夫以為相者鎮與司馬光
二人至稱之曰景仁君實不敢有所軒輊

巳巳
四年春二月司空東平公呂公著卒

諡正獻

公著薨太皇太后見輔臣泣曰邦國不幸司馬相公

既亡呂司空復逝帝亦悲感即詣其家臨奠贈太師

封申國公

公著自少講學即以治心養性為本平居
無疾言遽色于聲利紛華泊然無所好簡

重清淨蓋天稟然其識慮深敏量宏而學粹每議政
事博採衆善以為善至所當守則毅然不可回奪神
宗嘗言其于人材不欺如摧衡之稱物尤能避遠聲
迹不以知人自處王安石博辨騁辭人莫敢與抗公著

獨以精識要言服之安石嘗曰疵者每不自勝詣長者即廢其服如此

三月胡宗愈免

中丞孫覺右正言劉世安等論之也

夏四月分經義詩賦為兩科試士罷明法科

尚書省請復詩賦與經義兼行解經通用先儒傳注及已說又言舊明法最為下科今中者即除司法敘

名反在及第進士上非是乃詔立經義詩賦兩科罷

試律義

凡詩賦進士習一經試本經論孟義及詩賦論策凡四場經義進士習兩經試本經論孟

義及論策亦四場兩科通定高下而取解額中分之
各占其半專經者以經義定取舍兼詩賦者以詩賦
為去留其名次高初司馬光言取士之道當先德行
下則于策論參之

後文學就文學言之經術又當先于詞章神宗專用
經義論策取士此乃復先王令典百王不易之法但
王安石不當以一家私學欲蓋先儒令天下師生講
解至于律令皆當官所須使為士者果能知道義自
與法律冥合何必置明法一科習為刻薄非所以長
育人材敦厚風俗也至是遂罷之未幾詔御試舉人

仍試詩賦論三題

五月以范祖禹為右諫議大夫兼侍講

祖禹初從司馬光修資治通鑑在洛十五年不事進

取王安石尤愛重之祖禹終不往謁帝即位擢右正

言以婦翁呂公著當國引嫌辭職再改著作郎兼侍

講會夏暑權罷經筵祖禹上言陛下今日之學與不

學係他日治亂如好學則天下君子欣慕願立于

朝以直道事陛下輔佐德業以致太平不學則小人

皆動其心務為邪諂以竊富貴且凡人之進學莫不

于少時今聖賢日長數年之後恐公著薨始除右諫

不得如今日之專竊為陛下惜也

議大夫尋加禮部侍郎聞禁中覓乳媪以帝年十四
非近女色之時與左諫議大夫劉安世上疏勸進
德愛身又乞太皇太后保護聖躬言甚切至太后謂
曰乳媪之說外間虛傳祖禹對曰外事雖虛亦足為
先事之戒凡事言于未然則誠為過及其已然則又
無所及言之何益陛下寧受未然之言勿使臣等有
無及之悔太后深嘉之

安置蔡確于新州

唐置今肇慶府新興縣是

確失勢日久遂懷怨望在安州嘗遊車蓋亭

在今德安府安

陸縣治西北

賦詩十章知漢陽軍

今湖北漢陽府宋時為軍

吳處厚

邵武

人與確有隙因解釋其語

用郝處俊上元間諫高宗欲傳位武后事指斥東朝

上之以為譏訕于是臺諫言確怨謗乞正其罪詔確

具析確自辨甚悉右正言劉安世等又言確罪狀著

明何待具析此乃大臣委曲為之地耳乃貶確光祿

卿分司南京臺諫論之不置而諫議大夫范祖禹亦

言確之罪惡天下不容尚以列卿分務留都未厭眾

大臣謀國不當
自為身計如蘇
確之去惡即實
之于法亦不為
枉純仁顧力為
營救僅獲投荒
猶以荆棘久滋
慮或自開先路
何見之淺也

論執政議實確于法范純仁王存獨以為不可力爭
之文彥博欲貶確嶺嶠純仁聞之謂呂大防曰此路
自乾興以來荆棘近七十年吾輩開之恐自不免大
防遂不敢言越六日再貶確英州別駕新州安置純
仁又言于太后曰聖朝宜務寬厚不可以語言文章
之間曖昧不明之過竄誅大臣今舉動宜為將來法
此事甚不可開端也且以重刑除惡如以猛藥治病
其過也不能無損焉不聽確至新州未幾死

初確之
具析未

上也梁燾自潞州召為諫議大夫遇河陽邢恕極論
確有策立勲燾至奏之太后諭三省曰帝是先帝長
子子繼父業其分當然確有何策立勲也若使確他
日復來欺罔上下豈不為朝廷害恐帝年少制御不
得故今因其自敗如此行違慈為社稷也

六月范純仁王存罷

呂大防言蔡確之黨盛不可不治純仁面諫朋黨難
辨恐誤及善人司諫吳安詩正言劉安世因論純仁
黨確純仁亦力求罷政乃出知潁州府存確所舉也
故亦出知蔡州

米脂等砦雖皆
為西夏所據其
初本中國地也
既已恢復疆土
宜宜輟興割還
得地而夏益驕
宋人實為失算
蓋自阿拉惟來
請地時許以永
樂陷民相易至
此遂難食言則
又始計之未慎

庚午五年春二月夏人來歸永樂之俘詔以米脂等四砦
界之

夏人來歸永樂所獲吏士百四十九人遂詔以米脂
葭蘆浮圖安疆四砦還之夏得地益驕

文彥博致仕

彥博復居政府無歲不求去會殿中侍御史賈易言
彥博至和建儲之議不可信太后命付史館彥博益
求罷乃以太師充護國軍山南西道節度等使致仕

令有司備禮冊命宴餞于玉津園

先是遣使耶律永昌來聘蘇軾館之

與永昌入覲見彥博于殿門外却立改容曰此潞公也邪問其年曰何壯也軾曰使者見其容未聞其語其繇理庶務雖精練少年猶不如其貫穿古今雖專門名家有不逮永昌拱手曰天下異人也

三月趙膽卒以韓忠彥

字師模珣之子

同知樞密院事蘇頌為

尚書左丞

彥博嘗與傅堯俞許將論事不合俱求罷政殿中侍

御史上官均言大臣之任同國休戚廟堂之上當務

協諧使中外之人泯然不知有同異之迹若悻悻然

辨論不顧事體何以觀視百僚堯俞等雖有辨論之失然事皆緣公無顯惡大過望令就職太后從之

夏四月知樞密院事孫固卒

先是知樞密院事安燾以父喪去職固代知院事至

是卒

固宅心誠粹不喜矯亢與人居久而益信故更歷夷險而不為人所疾嘗言司馬公之清節孫公之淳德蓋所謂不言而信者也世以為確論

秋八月召鄧潤甫為翰林學士承旨罷御史中丞梁燾諫議大夫劉安世朱光庭

初潤甫以母喪終制除吏部尚書梁燾權給事中駁之改知亳州至是復以承旨召燾為中丞與左諫議大夫劉安世右諫議大夫朱光庭交章論潤甫出入王呂黨中始終反覆今之進用實繫君子小人消長之機又言潤甫嘗為蔡確制稱確有定策之功以欺惑天下乞行罷黜累疏不報燾等因力請外乃出燾知鄭州光庭知亳州安世提舉崇福宮時劉摯上疏請暫出潤甫留燾等蘇轍亦三疏論之皆不報

用人為致治大綱宜宜稱私意期臣黨援之習為上者方當

以蘇轍為御史中丞

考宋史蘇轍傳元祐五年遷御史中丞上疏極論調停之說蓋梁燾

既罷轍代為中丞因上此疏續綱目附載其疏于名用鄧潤甫條目而不更書轍為中丞宋元通鑑又載其疏于名用鄧潤甫之前皆非是今據轍傳增輯

自司馬光卒後熙豐舊黨爭起邪說以搖撼在位呂

大防劉摯患之欲稍引用以平夙怨謂之調停太后

疑不決轍面論其非又以說有未盡復上疏言之畧

親君子遠小人則主尊國安疎君子任小人則主憂國殆此理之必然未聞以小人在外憂其不悅而引之于內以自貽患也先帝聰明聖智疾頽靡之俗將以綱紀四方比隆三代而臣下不能將順造作諸法

力為整飭以挽
頹風若欲平臣
下風怨曲事調
停尚復成何政
體大防所見迂
謬不若蠲之特
論正當也

上逆天意下失民心二聖因民所願取而更之上下
忻慰前者用事之臣不加斥逐宥之于外蓋已厚矣
而議者惑于衆說乃欲招而納之與之共事謂之調
停此輩若返豈肯但已哉必將戕害正人漸復舊事
以快私忿人臣被禍蓋不足言臣所惜者祖宗朝廷
也惟陛下斷自聖心勿使小人一進後有噬臍之悔
疏入太后命宰執讀于簾前曰轍疑吾君臣兼用邪
正具言極中理諸臣從而和之調停之說遂已

辛未

六年春二月以劉摯為尚書右僕射兼中書侍郎蘇

轍為尚書右丞王巖叟簽書樞密院事

轍除命既下右司諫楊康國奏曰轍之兄弟謂其無

文學則非也。蹈道則未也。具學乃學為儀秦者也。其
文率務馳騁，好作為縱橫捭闔，無安靜理。陛下若悅
蘇轍文學而用之，不疑是又用一安石也。轍以文學
自負，而剛狠，好勝，則與安石無異。不報巖叟居言職
五年，正諫無隱。及拜簽樞，密謝，因進曰：「太后聽政，以
來納諫從善，務合人心，所以朝廷清明，天下安靜，願
信之勿疑。守之勿失。」復進言于帝曰：「陛下今日聖學
當深辨邪正。正人在朝，則朝廷安；邪人一進，便有不

安之象非謂一夫能然蓋其類應之者衆上下蔽蒙
不覺養成禍患爾又曰或聞有以君子小人參用之
說告陛下者不知果有之否此乃深誤陛下也自古
君子小人無參用之理聖人但云君子在內小人在
外則泰君子在外小人在內則否小人既進君子必
引類而去若君子與小人競進則危亡之基也兩宮
深然之

夏五月己未朔日食

六月浙西水

杭州死者五十萬蘇州死者三十萬詔賜米百萬石
錢二十萬緡賑之

翰林學士承旨蘇軾罷

初軾以論事為衆所忌趙挺之

字正夫密州諸城人

王覲攻之

遂出知杭州未幾召還侍御史賈易復劾元豐末
在揚州聞先帝厭代作詩及草呂惠卿制皆誹怨先
帝無人臣禮御史中丞趙君錫

字無愧安仁孫

亦繼言之太

后怒罷易知宣州君錫知鄭州呂大防請併軾兩罷
乃出軾知潁州尋改知揚州

秋七月復制置解鹽使

詔解鹽復許通商

冬十一月罷劉摯知鄆州

摯性峭直有氣節不為利誘威怵與呂大防同位國
家大事多決于大防惟進退士大夫實執其柄然持
心少恕勇于去惡竟為朋讒竒中遂與大防有隙先

是蔡確之貶邢恕亦謫監永州酒稅以書抵摯摯故

與恕善答其書有永州佳處第往以俟休復之語排

岸官茹東濟得其書陰錄以示中丞鄭雍

字公肅
東邑人

中侍御史楊畏

字子安遂寧
人徙洛陽

二人方附呂大防因箋

釋其語

謂休復者語出周易以俟休復者
俟他日太皇太后復子明辟也

上之又章

惇諸子故與摯子游摯亦間與之接雍畏謂延見接

納為牢籠之計以覲後福且論王巖叟梁燾劉安世

朱光庭等三十人皆其死友太后于是面諭摯曰言

者謂卿交通匪人為異日也卿當一心王室若章惇者雖以宰相處之未必樂也摯惶恐退上章自辨而梁燾王巖叟果上疏論救之太后曰垂簾之初摯斥排姦邪實為忠直但此三事非所當為也遂罷知鄆州給事中朱光庭駁之曰摯忠義自奮朝廷擢之大位一旦以疑而罷天下不見其過言者以光庭為黨亦罷知亳州

中書侍郎傅堯俞卒

論獻

堯俞卒太后謂輔臣曰傳侍郎清直一節終始不變

金玉君子也方倚以為相遽至是乎

堯俞素與王安石善熙寧初自

知廬州入京時方行新法安石謂之曰舉朝紛紛俟君來久矣將以待制諫院處君堯俞曰新法世以為不便誠如是當極論之安石怒遂不用司馬光嘗謂邵雍曰清直勇三德人所難魚吾于欽之畏焉雍曰欽之清而不糴直而不激勇而能溫是為難耳



御批歷代通鑑輯覽卷七十八